



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

69. Cum occasione Missalis &c. Decreta varia ad Missarum celebrationem
pertinentia summatim collecta, quæ in Missali typis Sacræ Congregationis
de Propaganda Fide novissimè edita sunt.

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

1173.

1714.

DECRETUM

XVI.

Quo elogium S. Pij Papæ V. pro Martyrologio, & nonnulla verba addenda tertiæ lectioni secundi Nocturni de eodem Sancto Pontifice approbantur.

Urbis & Orbis.

Cum Sac. Rituum Congregatio sub die 28. Januarii 1713. Eminentiss. & Reverendiss. D. Cardinali S. Clementis proponente instantiam R. P. Generalis Ordinis Prædicatorum pro Elogio S. Pii V. in Martyrologio apponendo, nonnullisque verbis in lectionibus secundi Nocturni addendis remiserit: idemque Eminentissimus, & Reverendissimus Dominus Cardinalis sequens Elogium pro Martyrologio videlicet: *Rome S. Pii Papæ V. ex Ordine Prædicatorum, qui Ecclesiastica disciplina restituenda, hæresibus extirpandis strenue, ac feliciter incumbens, Vita, ac Legum Sanctitate Catholicam Ecclesiam gubernavit, nec non pro tertia lectione secundi Nocturni, post illa verba, multis à Deo ejus intercessione patris miraculis, infra scripta nempe: Quibus ritè probatis à Clemente X. Pont. Max. Sanctorum numero adscriptus est; à se diligenter revisa, in eadem Sac. Rituum Congregatione pro approbatione retulerit; Eadem Sacra Congregatio tum Elogium, tum verba prædicta approbavit, & in Martyrologio, ac Lectionibus apponi, imprimique posse concessit, si Sanctissimo placuerit. Die primâ Julii 1713.*

Factaque deinde per me infra scriptum Prosecretarium Sanctissimo Domino Nostro de prædictis relatione, Sanctitas Sua benignè annuit, Die 8. ejusdem mensis, & anni 1713.

G. Card. Carpineus.

N. M. Tedeschi Episc. Liparit. Sac. Rit. Congr. Prosecret.

DECRETUM

XVII.

Quo Officium S. Agathæ V., & M. sub Ritu duplici ad Ecclesiam universalem extenditur.

Urbis, & Orbis.

Cum aliàs sub die 10. Septembris 1701. Sac. Rituum Congregatio, annuente Sanctissimo Domino N., Officium S. Agathæ Virginis, & M. die 5. Februarii sub Ritu semiduplici recitari consuetum, ut in omnibus Hispaniarum Regnis sub Ritu duplici celebrari posset, indulserit: Ad humillimas modò preces Episcopi Catanienfis eidem Sanctissimo Domino Nostro porrectas, & à Sanctitate Sua ad ipsam Sac. Rituum Congregationem remissas, quibus expositum fuit, ut idem Officium sub Ritu duplici ad totam Ecclesiam universalem extendere dignaretur, Sacra eadem Congregatio, referente Eminentissimo, & Reverendissimo D. Cardinali Albano gratiam petitam concedendam esse censuit, prædictumque Officium ab omnibus Christianis, qui ad horas Canonicas tenentur, sub Ritu duplici in postèrum recitari, & ita in Breviario apponi, ac servari mandavit; si Sanctissimo D. Nostro placuerit. Die 26. Augusti 1713.

Factaque deinde per me Prosecretarium de prædictis Sanctissimo Domino Nostro relatione Sanctitas Sua benigne annuit, Die 29. ejusdem mensis, & anni 1713.

G. Card. Carpineus.

N. M. Tedeschi Episc. Liparit. Sac. Rit. Congr. Prosecret.

DECRETUM.

XVIII.

Quo novum Officium S. Josephi Sponsi Beatissimæ Virginis Mariæ pro Ecclesiâ universali approbatur.

Urbis, & Orbis.

Ad confovendam, imò etiam augendam Fidelium devotionem erga S. Joseph Sponsum Beatissimæ Virginis Mariæ, ejusque Cultum ferventiùs semper promovendum, Sac. Rituum Congregatio Officium cum novis Antiphonis, Versibus Lectionibus primi Nocturni, Responsoriis, & Capitulis, ab Eminentissimo, & Reverendissimo D. Cardinale Albano in eadem Sac. Rituum Congregatione relatum approbavit, ac ab omnibus Christianis, tam Sæcularibus, quam Regularibus, qui ad horas Canonicas tenentur, die 19. Martii in festo ejusdem S. Joseph in postèrum recitari, & in Breviario apponi mandavit, si Sanctissimo Domino Nostro visum fuerit die 3. Febr. 1714.

Factaque deinde per me Prosecretarium de prædictis Sanctissimo Domino Nostro relatione, Sanctitas Sua benignè annuit. Die 4. ejusdem mensis, & anni.

F. Card. de Abdua Præfectus.

N. M. Tedeschi Episc. Liparit. Sac. Rituum Congr. Prosecret.

DECRETUM

XIX.

Quo Officium S. Joannis de Deo ad Ecclesiam universalem sub Ritu semiduplici extenditur.

Urbis, & Orbis.

Plis Cæsareæ Majestatis, Regis Christianissimi, nec non Magni Ducis Hætruriciæ precibus Sanctissimo Domino nostro porrectis, & à Sanctitate Sua ad Sac. Rituum Congregationem remissis, quibus supplicatum fuit, ut Officium Sancti Joannis de Deo Ordinis Fratrum Hospitalitatis Fundatoris, jam aliàs pro eodem Ordine, ac pro Regnis Hispaniarum, & Lusitanie approbatum, atque concessum, ad Ecclesiam universalem extendere dignaretur, Sac. eadem Rituum Congregatio, referente Eminentissimo; & Reverendissimo D. Cardinali Casino, annuendum esse censuit, supra scriptumque Officium ab omnibus Christianis, tam Sæcularibus, quam Regularibus, qui ad horas Canonicas tenentur, die 8. Martii sub Ritu semiduplici recitari, & in Breviario apponi mandavit, si Sanctissimo Domino Nostro visum fuerit die 21. Aprilis 1714.

Et facta deinde per me Prosecretarium de prædictis Sanctissimo Domino Nostro relatione, Sanctitas Sua benignè annuit, Die 5. Maji ejusdem anni 1714.

F. Card. de Abdua Præfectus.

N. M. Tedeschi Episc. Liparit. Sac. Rituum Congregat. Prosecret.

DECRETA VARIA

XX.

Ad Missarum celebrationem pertinentia summam collecta, quæ in Missali typis Sacre Congregationis de Propagandâ Fidei novissime impresso edita sunt.

Urbis, & Orbis.

Cum occasione Missalis Typis Sacre Congregationis de Propagandâ Fidei summâ curâ, ac

1714

diligentiâ novissimè impressi, & prope diem publico usui exponendi Sacrae Rituum Congregationi enixè fuerit supplicatum, ut nonnulla ejusdem Sacrae Congregationis Decreta jam aliàs edita, & approbata, in prædicto novo Missali summam apponi, & imprimi posse benignè concedere dignaretur, videlicet:

Missæ pro Defunctis, sive de Requiem in festis duplicibus contra præscriptum Rubricarum Missalis Romani nullatenus celebrari debent. Quod si ex Benefactorum institutione Missæ hujusmodi celebrandæ incidunt in festum duplex, tunc, ne dilatio animabus suffragia expectantibus detrimento sit, in aliam diem non impeditam minimè transferantur; sed dicantur de festo currenti cum applicatione Sacrificii juxta mentem eorundem Benefactorum die 5. Augusti 1662. approbatum à fel. recor. Alexandro VIII. eadem die.

Prædictum decretum ab ejusdem fel. recor. Alexandro VII. speciali Brevi, quod incipit: *Credite Nobis*: denuò fuit confirmatum, ac insuper statutum idem servandum esse quoad Missas in Altaribus Privilegiatis ex obligatione celebrandas, & Indulgentias per ejusmodi Privilegia concessas animabus in Purgatorio existentibus suffragari, perinde, ac si celebratæ fuissent Missæ Defunctorum. Ac denique declaratum Anniversaria, & Missas cantatas de Requiem relictas ex dispositione Testatorum quotannis in die ipsorum obitus, etiam in duplici majori contingenti, in prædicto Decreto die 5. Augusti edito minimè comprehendi, prout antea in una Novarien. 22. Novembris 1664. eadem Sacra Congregatio declaraverat, Die 22. Januarij 1667. Pontificatus XII.

Deinde fel. recor. Clemens IX. eadem Sacrae Congregationis Decreta alio Brevi, cujus initium: *Cum fel. recor.* iterum confirmavit, prædictamque Alexandri VII. dispositionem ad Altaria non in perpetuum, sed ad septennium, seu aliud brevius, vel longius tempus, ac non in omnibus, sed aliquo, vel aliquibus tantum hebdomadæ diebus nunc, & in futurum quodcumque privilegiata extendit. Die 23. Septembris 1669, Pontificatus III.

Tandem proposito dubio, an supradictæ Alexandri VII., & Clementis IX. Declarationes sibi locum vindicarent etiam in diebus Dominicis, & infra Octavas Paschatis Resurrectionis, Pentecostes, & Corporis Christi, aliisque anni diebus, quibus licet à festo duplici non impediuntur, adhuc tamen Missæ Defunctorum juxta Ritum Ecclesiæ celebrari nequeunt, quatenus nimirum Missæ, quas iisdem diebus celebrari licet, servata cæteroque Privilegiatorum forma, ad Altaria privilegiata celebrarentur; eadem Sacra Rituum Congregatio die 3. Aprilis 1688. prædictorum Pontificum declarationes pro omnibus diebus, quibus juxta rubricas Missæ Defunctorum celebrari non possunt, intelligendas esse respondit, ejusque Decretum subinde confirmatum fuit à fel. recor. Innocentio Papa XI. speciali Brevi, quod incipit: *Aliàs postquam*; dato die 4. Maji 1688.

Decretum à Sacra Rituum Congregatione anno 1620. editum, quo permittitur posse in Ecclesiis recitari Officia, & Missas celebrari de illis Sanctis, quorum Corpora, vel Reliquiæ insignes in eisdem asservantur, intelligendum esse de Sanctis dumtaxat in Martyrologio Romano descriptis, & dummodò confet de identitate Corporis eorundem, vel insignis Reliquiæ; secus verò de Sanctis in eodem Martyrologio non descriptis. Quorum tamen Corporibus, & Reliquiis ab Ordinariis locorum approbatis debita à Fidelibus veneratio adhibenda est, sed absque Officio, & Missa, sub penis

de non satisfaciendo præceptore citandi Officium, aliisque in Constitutionibus S. Pii V. contentis. Die 11. Augusti 1691., approbatum à fel. recor. Innocentio XII. die 19. Octobris.

Ad augendam Fidelium venerationem erga Augustissimum Eucharistiæ Sacramentum, ejusque cultum in toto terrarum Orbe promovendum, prohibitum est celebrari Missas votivas, vel pro Defunctis infra octavam Corporis Christi. Die 21. Junii 1670. Eadem die à fel. recor. Clemente XI. approbatum.

Item prohibitum est easdem Missas celebrari infra Octavam Nativitatis Domini; in Missis verò solemnibus pro re gravi infra eandem Octavam celebrandis dicenda est Præfatio juxta rubricam generalem tit. 12. num. 4., die 25. Septembris 1706. jam à Sanctissimo approbatum.

Re verò in Sacra Rituum Congregatione ad relationem Eminentiss., & Reverendiss. Domini Cardinalis Barberini pluries discussa, & maturè perpensa, Sacra eadem Rituum Congregatio supradicta Decreta, tum ut Celebrantium instructioni, & usui sint, tum ut nonnulli abusus, qui in aliquibus locis irreperant, penitus evellantur, in post Missali rubricas generales apponi, & imprimi posse censuit, si Sanctissimo Domino Nostro visum fuerit, Die 15. Septembris 1714.

Factaque deinde per me Prosecretarium de prædictis Sanctissimo Domino Nostro relatione, Sanctitas Suas sensum Sacrae Congregationis approbavit, eademque Decreta in Missali apponi, & imprimi mandavit. Die 29. Septembris ejusdem anni 1714.

F. Cardinalis de Abdua Præfectus.

N. M. Tedeschi Episcopus Liparit. Sac.
Rit. Congr. Pro-Secretarius.

DECRETUM.

Quo Causas omnes tam Beatificationis, & Canonizationis, quam alias controversas, quæque quovis modo in Sacra Rituum Congregatione tractantur, ad Notarium ejusdem Sacrae Congregationis privativè quoad omnes alios, etiam Palatii Apostolici, A. C., aliorumque Tribunalium quorumcumque Notarios, spectare declaratur, & statuitur.

XXI

Cum Sac. Rituum Congregatio, ne tam Processus Causarum Beatificationum & Canonizationum, quam alii, qui in causis controversis confici possunt, per manus Notariorum variorum Tribunalium dispersi vagarentur, usque ab anno 1625., pro actandis hujusmodi causis Clearcum Buscum in proprium, & peculiarem ipsius Sacrae Congregationis Notarium nominaverit; Cumque hujusmodi declaratione minimè obstante, Notarii A. C., ac signanter Sac. Palatii Apostolici in prædictis causis controversis sese ingerere cœperint, denuò habito per Jacobum Saxum anno 1682. ad Sac. Rituum Congregationem recurso, eadem Sac. Congregatio die 24. Januarii prædicti anni de communi EE. Cardinalium dictæ Sac. Congregationi Præpositorum voto censuit, & decrevit, omnes causas, penes ipsam controversas ac impofterum controvertendas, ab eaque cognoscendas, illarumque acta omnino spectare ad Notarium ipsius Sacrae Congregationis privativè quo ad omnes alios Notarios quorumcumque Tribunalium, & ita observari mandavit, non obstantibus quibuscumque. Huic autem decla-

ratori,